

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

**Meditationum evangelicarum pars secunda, hoc est:  
Solida, ad descendam & exercendam, ex evangeliis tam  
dominicalibus quam festivalibus Christi & sui-ipsius  
notitiam, informatio**

**Creide, Hartmann**

**Francofurti ad Moenum, 1682**

De secundo

[urn:nbn:de:bsz:31-126164](#)

## De Secundo.

**P**ergemus nunc ad alteram partem, *χριστιαν*, sive notitiam Domini nostri Iesu Christi contemplaturi. Hic nobis meditandus proponitur:

I. *Tanquam medicus noster admirabilis*, qui solo contactu, immo verbo omnes morbos fugare potest.

Duo præclara exempla habemus in prælecto Evangelio, cum in leproso, tum in servo Centurionis paralytico. Illum tetigit, & dixit: Volo: mundare. Et confessum mundata est lepra ejus. Hunc vero absens curavit, dicens ad Centurionem: Vade, & sicut credidisti, fiat tibi. Et sanatus est puer in illa horâ.

Ecce, potentissimum medicum & Salvatorem! de quo vere dixit Centurio, quod ipsi omnia obedire teneantur, sicut sibi servi sui. Sic ille pestilentiam, lepram, paralysin, febrim, aliaq; morborum genera nutu tantum accertere potest & dicere: Venite, & venire oportet, & corripere homines propter iniuritatem, Psalm. 39. v. 12. Vel: discedite, & cessare oportet & evanescere. Pater enim cœlestis omnia subiectis pedibus ejus, nihil omisso, Hebr. 2. v. 8. Psal. 33. v. 9.

In Insula Cypro olim singularis familia Ophigenum (*απὸ τῶν ὄφεων* sic dicta) fuit, quæ solo contactu, à serpentibus lœsos, corrumq; veneno infectos salvavit.

Similiter de Gallia & Anglia Regibus refertur, quod strumas, manus contactu, his verbis additis: Tangit te Rex, sancte te Deus, abigere valeant.

In Hispania quoque certa familia fuit, *saluatorum* dicta, quæ canum rabidorum mortiferos morsus curare potuit.

Fides sit penes Autores! Jesus vero noster saepissime probavit, unico se verbulo & contactu, omnes nostras infirmitates sanare posse, Psal. 103. v. 3.

Perse Mithridatem suum, Aegyptii Hermetem, Arabes Sabilen, Judæi Salomonem commendatum cant. Alii cum Hippocrate, alii cum Galeno faciant; nos Christum in delitiis habemus, qui velut medicus experientissimus intimè latentes infirmitates perspicere potest. Est enim cordium scrutator, A&t. 1. v. 24. qui novit quod in homine est, Joh. 2. v. 25. Pollet quoque virtute, viæ ejus parata sunt, & judicia sua in providentia posuit, Judith. 9. v. 5. Nec minus proclivis est ad juvandum. Qui enim venit ad eum, non ejicietur fors, Joh. 6. v. 37. Hinc ipse vocat: Venite ad me omnes. Matth. 11. v. 28. Ipse paratus adstat, & expectat nos. Nostrum est, venire, & ejus gratiam accipere, per veram ac vivam fidem, ad exemplum Centurionis & leprosi. Oculi enim ejus respi- ciunt fidem, Jer. 5. v. 3. Haec quasi manus est, quæ cor ejus apprehendimus, dicentes cum Jacobo: Non dimittam te, donec benedixeris mihi, Gen. 32. v. 26.

In omnibus igitur ærumnis & miseriis ad hunc medicum properabimus. In medicorum manibus sanitatis spem habere, bestiale est, scribit Basilius. Ratio in promtu est: Quia,

Interdum doctâ plus valet arte malum.

At hic dicere possumus: *In hujusmedici manibus sanitatis spem collocare, & rationale, & salutare est*, Sap. 16. v. 12.

II. *Tanquam ministerii commendator venerabilis*. In V.T. Sacerdotum fuit de

K 2                    leprâ

leprâ judicium ferre. Hinc eum, qui à leprâ absolvî volebat, oportebat sacerdotem accedere, & sacrificiâ sua afferre, nempe duos agnos immaculatos, & ovem anniculam, absq; macula, & tres decimas similæ quæ conspersa erant oleo, Lev. 14, 10.

Sicut igitur Sacerdotibus certa pars de sacrificiis ex instituto Dei debebatur, Exo. 29, v. 26. Sic vi legis divinæ partem capiebant, postquam leprosum mundum pronunciaverant. Hanc ipsis Christus subtrahere noluit, ideo leprosum ad Sacerdotem ablegavit, ut ministerium reverenter habere disceret, quod fortè haec tenus despexerat, siquidem Deo familiare fuit, contemptum Ministerii sacri leprâ punire, ut exemplum Miriam probat, Num. 12, 10.

Observent hoc Auditores, ut faciant, quod par est:

1. *Spiritualiter.* Quodsi in locum confessionis veniunt, non abscondant peccata: Sed confiteantur ea coram Deo, & Ecclesiæ ministro, si à spirituali leprâ absolvî, & remissionem peccatorum consequi velint. Hanc enim Deus gratiam absolutioni impertivit, ministrisq; suis, Ecclesia Pastoribus potestate ligandi & solvendi dedit, Matth. 18, v. 18. Quemcunque itaque conscientia ob commissa peccata angit, ut cum Davide queratur, Psal. 38, v. 5. Is ostendat se Sacerdoti, confitendo peccata sua, tum solatio verbi divini eum eriget, & absolutionem annunciat, verbis Christi: Confide fili mi! Confide filia mea! remittuntur peccata tua! Hoe salutiferum gratiæ medium est, omnibus corde contritis destinatum, ideo non despici, sed cum gaudio & animi solatio usurpari debet, Psal. 32, v. 3, 5.

2. *Corporaliter.*

1. *Per reverentiam,* 1. Tim. 5, v. 17.
2. *Per Obedientiam,* Hebr. 13, v. 17.
3. *Per beneficentiam.* Minister verbi ille est, quite quotidie verbo Dei erudit, ut crescere possit in agnitione Dei, in quâ vita æterna consistit, Joh. 17, v. 3. Tui causa scrutatur scripturas, Joh. 5, v. 39. Tui causa cor suum tradit ad vigilandum diluculo ad Dominum, & in conspectu Altissimi deprecatur, Sir. 39, v. 6. Tui causa concionando & meditando corpus affligit, Eccles. 12, v. 12. Quinim propter te sepè vitâ perlitatur, pestiferis morbis grassantibus, ut Aaron, Num. 16, v. 47.

Ut breviter complectar: Nemo illo carere potest. Ipse præsto tibi est in nativitate, & baptismo te tingit. In vita quando te doctrinâ instruit, & solatio reficit, in morte, quando viatico te sublevat, & tandem corpus in dormitorium suum deducit. Agnoce hoc gratâ mente, ut reciprocum gratiam referas. 1. Thess. 5, 12. Gal. 6, v. 7.

III. *Tangamus fidei remunerat incomparabilis.* Leprosus era Judeus, Centurio vero ethnicus, quia autem uterque fide firmâ prædictus erat, utrumque Christus amore complectitur, & precationeorum annuit.

Hinc apparet, quod Deus personarum acceptor non sit, sed in omni gente, qui timet Deum, & operatur justitiam, acceptus sit illi, Acto. 10, v. 34. Omnia in fide sita sunt, ea est res omnipotens, cuius virtus inastimabilis & infinita, ut B. Lutherus scribit. Per hanc Christum induimus, Gal. 3, v. 17. ut in cordibus nostris habitet, Ephes. 3, v. 17. Per hanc regeneramur, Col. 2, v. 12. Per hanc

Dio-

### Dominica III. post Festum Epiphaniae.

77

Diabolo resistere, i. Pet. 5. v. 9. mundum vincere, i. Joh. 5. v. 4. & tandem vitam æternam consequivalemus, Joh. 3. v. 16.

Quinimo Deus fidem temporali sæpe benedictione remunerat, ut exempla leprosi & Centurionis Capernaitici probant, quorum uterque fidei vim sensit, & auxilium desideratum à Christo impetravit. Sic fide Enoch translatus est, ne videret mortem, Gen. 5. v. 29. Fide Noah ultra annum in arca inter bestias servatus est, Gen. 7. v. 1. seqq. Fide vocatus Abraham, obediuit in locum exire, quem accepturus erat in hæreditatem, & exiit, nesciens, quo iret, Gen. 12. v. 4. Fide Sara steriles virtutem in conceptione feminis accepit, etiam præter ætatis tempus peperit, Gen. 21. v. 7. Fide superavit Jacobus Angelum Jehovam,

Gen. 32. v. 28. Fide Israelitæ transierunt mare rubrum, Exod. 12. v. 22. Vide Heb. 11. v. 1.

Propterea genuinis Christianis incumbit, ut fidem sibi acquirere studeant. Et quia illa venit ex auditu, auditus autem per verbum Dei, Rom. 10. v. 17. sedulo concionibus intersint, quo scintillam fidei resuscitent ne extinguitur, 2. Tim. 1. v. 26. Sic Deus incrementum dabit, eosque instaurabit, confortabit, roborabit, fundabit, i. Pet. 5. v. 10. ut militent bonam militiam, habentes fidem & bonam conscientiam, i. Tim. 1. v. 18. Et tandem finem fidei, salutem animarum reportent, i. Pet. 1. v. 9.

Concedat id nobis Deus ex gratia, per filium suum Jesum Christum, Servatorem nostrum, Amen.

### Dominica IV. Post Festum Epiphan.

Evangelium Matth. 8. v. 23. --- 27.

#### EXORDIUM.

Cum Deus iustissimus primum mundum diluvio perdere velleret, quod multa malitia hominum esset in terra, & Spiritus Sancti correctionem non admitterent, Noë ex instituto divino arca fabricanda erat, trecentorum cubitorum longitudine, in quam intraret, cum suis Ex cunctis quoque animalibus universæ carnis, par in arcam introducere tenebatur, masculinis sexus & feminei, ut hoc ipso genus humanum, & genus cæterorum animalium conservari, & post diluvium propagari posset. Gen. 6. v. 14.

Hac arca typus Ecclesia fuit, ut ipse Apostolus Petrus confiteretur, i. Pet. 3. v. 20.

Quicquid extra arcam erat, sive homines sive pecora erant, id omne in aqua diluvii suffocabatur, solus Noë remansit, & quæcum eo erant in arca, Gen. 7. v. 23. Sic extra Ecclesiam nulla salus est: Quid enim mihi de iis, qui forsunt, judicare? inquit Apostolus, 1. Cor. 5. v. 12.

Arca Noë non habebat vela, remiges, aut nauclerum, sed Deus gubernabat, & ducebatur eam manu sua, quorsum placebat, Sap. 14. v. 6. Sic Ecclesia non viribus nititur humanis, aut carnalibus; sed Dominus spes ejus, & altissimus refugium ejus, Psal. 91. v. 9. nam vana salus hominis Psal. 60. 13.

K 3

Sed